

SEMUA KE MULIA PETARA





(1 Corinthians 10:31, NKJV)
"Nya alai, nemuka kita
makai tauka ngirup,
tauka sebarang utai ti
dikereja kita, kereja
semua nya kena
ngemuliaka Allah
Taala"

Berengkah ari 1 Korint 7, Paul nyerahka diri nyaut mayuh macham tanya ti dikirum orang Korint ngagai iya nengah surat (1 Kor. 7:1a).

Ketegal tu, taja pan bab 8 ngagai 10 kelebih agi ngenang pasal pengawa nyembah engkeramba, Paul nyelitka sekeda topik ti nadai kaul enggau dosa ti nyengenda tu.

Taja pia, iya nguji nyengkaum siti penguji ti sama dalam tiap iti topik: pengerindu enggau bebasaka pangan diri, ti patut mai gerija ngagai penyerakup. Beserimbai enggau penemu tu, Paul ngemeratka semua utai ti dikereja dalam gerija, tauka dalam pengidup peribadi, patut dikereja ke mulia Allah Taala.



1 Corinthians 8

**Pemakai ti diberi ngagai engkeramba
(Penemu enggau pengerindu)**

1 Corinthians 9

**Paul ngelengka ke hak iya
(Hak injil)**

1 Corinthians 10:1-13

**Jaku tangkan ngelaban pengawa nyembah
engkeramba
(Ajar ari utai ke udah)**

1 Corinthians 10:14-22

**Changkir Tuhan enggau changkir antu
(Ngelengkaka pengawa nyembah engkeramba)**

1 Corinthians 10:23-33

**Kereja semua utai ke mulia Allah Taala
(Utai ti tuchi enggau utai ti patut)**

PENEMU ENGGAU PINGERINDU

1 Corinthians 8 (Pemakai ti piring ngagai engkeramba .)

“Tang penemu ngasuh orang sumbung, tang pingerindu nempa iya baru.” (1 Korint 8:1b)

Paul “magi” eklisia ngagai dua raban: “iya ti kering” enggau “iya ke lemi”.

1 Corinthians
8:4-7a

Orang ke kering meretika engkeramba nya nadai guna, laban semina siku aja Allah Taala ti bendar.

Orang ke lemi bedau ulih nangkup pekara tu.

1 Corinthians
8:7b

Orang ke kering makai dagin ti diberi ngagai engkeramba laban sida nemu engkeramba enda ulih ngamahka pemakai nya.

Orang ke lemi pechaya sida bedosa enti sida makai dagin nya.

Tang orang ti kering, beteladan nengah penemu sida, ulih ngasuh orang ti lemi labuh (1 Kor. 8:10). Ketegal pingerindu ke menyadi iya, orang ke kering enda tau enda nagang diri (1 Kor. 8:11-13).

Orang Kristian patut ngengkahka pingerindu dulu ari penemu enggaika penemu tau nyadika bintang ke ngasoh tesangkut ngagai menyadi ti “lemi” (dalam pemansang pengarap).



HAK BERITA INJIL .

1 Korint 9 (Paul ngelengka ke hak iya)

"Baka nya mega Tuhan udah ngasuh orang ke nusui Berita Manah bulih pengidup ari Berita Manah." (1 Korint 9:14)

Paul ngelengka sekurang-kurang iya tiga iti hak ketegat pengerindu ke orang ke lemi:



* Hak diberi pemakai ulih eklisia (1 Kor. 9:4)

➤ Paul ngelengka hak iya nyadi rasul ngambika disukung gerija ti dilayan iya, baka rasul bukai.



* Hak disempulang bini iya (1 Kor. 9:5)

➤ Pengawa ti suah dikereja bala rasul iya nya sida bejalai enggau bini sida ngintu sida sereta nulung sida dalam pengawa nginjil. Indu tu, baka laki iya, tentu bisi hak disukung gerija.



* Hak enda ngereja pengawa biasa ngulih ka diriempu (1 Kor. 9:6)

➤ Paul deka bekerja kena ngidup diriempu dikena nyeliahka orang ngumbai iya deka beambi ulih ari bala peninga iya, lalu ngasoh sida meda iya ti enda berundingka diri empu..

Taja pan Jesus enggau terang madahka orang ti nusui Berita Manah patut idup ari Berita Manah, tang Paul enggau Barnabas sama-sama enggai beruntung ari utai tu ngambika orang ti arap enda salah anggap (1 Kor. 9:12-14; Lk. 10:7).


PELAJAR ARI PENGAWA KE UDAH

1 Korint 10:1-13 (Jaku tangkan ngelaban pengawa nyembah engkeramba)

"Anang nyembah engkeramba baka sekeda sida, baka ti udah ditulis: 'Orang mayuh duduk makai ngirup, lalu angkat betanda' " (1 Korint 10:7)


Peneleba dalam Pemansut, diperetika ngena chara roh, nya sebaka enggau peneleba kitai empu. Pengawa meraka tasik nya baka sempekat baptisa kitai (1 Kor. 10:1-2).

Pemakai enggau ai irup ti diambi sida di menua puang nya baka kitai ke nyambut "Penjamuan suci", endur kitai makai enggau ngirup, rohani, tubuh enggau darah Jesus (1 Kor. 10:3-4).



Anang enda bejimat! Taja pan sida udah mayuh peneleba, orang Israel labuh ngagai dosa ti besai, nyengkaum nyembah engkeramba enggau ulah ti kamah. Awakka utai ti sama enda nyadi ba kitai! (1 Korint 10:5-10).

Nya alai rasul nyimpulka bagi tu enggau jaku lalau ti bekuasa: "Nya alai enti kita ngumbai diri bediri tegap, bejimat kita ngambika kita enda labuh" (1 Kor. 10:12).



TINGGALKA PENGAWA KE BESEMBAHKA ENGKERAMBA

1 Korint 10:14-22 (Changkir Tuhan enggau Changkir antu)

"Nya alai, bala pangan aku, rari ari pengawa nyembah engkeramba" (1 Korint 10:14)




Enti pemakai ti diberi ngagai engkeramba ulih diempa enggau nadai pengirau, nama kebuah Paul baka ke ngelalau enda makai nya dalam 1 Korint 10:20?

Makai dagin ba rumah, nadai nyadi sebarang penyalah, lalu nyeliah ke ari pengerami mensia mayuh ke alai engkeramba benung disembah. Ngereja pengerami ti baka nya, orang ke arap nya ngelengka pengarap sida lalu nerima pengawa nyembah engkeramba.

Enggau ngambi bagi dalam penjamuan Kudus kitai nyadi sebagi ari tubuh Kristus (gereja), tang enti enggau ngambi bagi dalam pengawa nyembah engkeramba, kitai ngambi bagi setanah enggau antu (1 Kor. 10:16-20).

Kitai enda ulih ngambi changkir penjamuan Kudus, muji Jesus, lalu –ba maya ti sama– ngambi ari changkir ti muji antu (1 Kor. 10:21).



NAMA TI BERADAT ENGGAU NAMA TI PATUT .

1 Korint 10:23-33 (Kereja semua utai kena ngemuliaka Allah Taala)

"Nya alai, nemuka kita makai tauka ngirup, tauka sebarang utai ti dikereja kita, kereja semua nya kena ngemuliaka Allah Taala." (1 Korint 10:31)


"Semua utai tau dikereja magang, tang ukai semua utai tau mai penguntung magang" (1 Korint 10:23).

Dua chunto ti tegap:



Kedai dagin nya nyual pemakai ti diberi ngagai engkeramba enggau pemakai ti bedau nyadi piring. Orang ti arap nya enda tau nanya pasal asal iya ngambika enda meri peragam ti enda betul makai dagin ti bansa nya (1 Kor. 10:25).

Seiku orang ke enda arap ngangauka seiku orang ke arap makai. Orang ti arap makai enggau nadai tanya (semua utai tau dipakai magang ba iya). Tang orang ke ngatur pengawa nya madahka dagin nya udah diberi ngagai engkeramba. Nya alai, ngambika enda nyeruga ati orang ke ngatur pengawa nya ringat, orang ke arap nya enda patut makai dagin nya (1 Korint 10:27-29).



Dua iti utai ke deka diperatika ba ajar tu : muji Allah Taala dalam semua utai (1 Kor. 10:31); sereta ngira utai ke tau nguntung orang buhai (1 Kor. 10:24, 32).

Reti nya, rinduka Allah Taala lebih ari semua utai lalu rinduka orang buhai baka diri empu (baka ti diasuh Jesus ngagai orang bujang ti

“Rasul nya besumpah ngagai orang Korint, "Awakka orang ke ngumbai diri betul nyaga diriempu, enggai ke iya labuh." Enti sida temegah ati sereta andalka diri empu, lalu enda bejaga sereta besampi, sida deka labuh ngagai dosa ti besai, lalu ngangauka pengeringat Allah Taala ninggang sida empu. [...] Paul ngansak bala menyadi iya nanya diri empu nama pengaruh jaku enggau pengawa sida ngagai orang bukai lalu enda ngasoh sida ngereja utai nya, taja pan nadai penyalah ba diri empu, tang nya baka ke ngemendarka pengawa nyembah engkeramba ke tau ngemediska orang ke lemi dalam pengarap. "Nya alai, nemuka kita makai tauka ngirup, tauka utai ti dikereja kita, kereja semua utai nya kena ngemuliaka Allah Taala. Anang ngasuh orang Judah, tauka orang bansa bukai, tauka eklisia Allah Taala tesangkut."

EGW (The Acts of the Apostles, p. 316)